

UPRAVA BOSNE I HERCEGOVINE ZA ZAŠTITU ZDRAVLJA BILJA

552

Na temelju članka 17. stavak 3. i članka 28. Zakona o zaštiti zdravlja bilja ("Službeni glasnik BiH", broj 23/03) i članka 61. stavak (2) Zakona o upravi ("Službeni glasnik BiH", br. 32/02 i 102/09), Uprava Bosne i Hercegovine za zaštitu zdravlja bilja, u suradnji sa nadležnim organima entiteta i Brčko distrikta BiH, donosi

PRAVILNIK

O UVJETIMA I NAČINU UNOŠENJA ODREĐENOG BILJA I BILJNIH PROIZVODA IZ SUSJEDNIH ZEMALJA U POGRANIČNO PODRUČJE BOSNE I HERCEGOVINE

POGLAVLJE I. OPĆE ODREDBE

Članak 1.

(Predmet)

Ovim Pravilnikom propisuju se uvjeti i način unošenja određenog bilja i biljnih proizvoda uzgojenih, proizvedenih ili upotrijebljenih u pograničnom području susjednih zemalja, koji se unose iz tih zemalja radi uporabe na obližnjim lokacijama u pograničnom području Bosne i Hercegovine.

Članak 2.

(Definicije)

Izrazi upotrijebljeni u Zakonu o zaštiti zdravlja bilja ("Službeni glasnik BiH", broj 23/03)(u daljem tekstu: Zakon) upotrebljavaju se i u ovom Pravilniku, a izrazi upotrijebljeni u ovom Pravilniku imaju sljedeće značenje:

- a) pogranično područje je dio državnog područja Bosne i Hercegovine i susjedne zemlje uz kopnenu granicu, koji se prostire u širini određenoj međunarodnim sporazumom o pograničnom prometu potpisanim sa susjednom zemljom,
- b) susjedne zemlje su:
 - 1) Republika Hrvatska,
 - 2) Republika Srbija,
 - 3) Crna Gora,
- c) unošenje/uvoz je svako dovođenje pošiljaka bilja i biljnih proizvoda u carinsko područje Bosne i Hercegovine, bez obzira koja je vrsta uporabe u skladu sa carinskim propisima, osim unošenja radi provoza,
- d) korisnici prava unošenja bilja i biljnih proizvoda u pogranično područje Bosne i Hercegovine iz susjedne zemlje (u daljem tekstu: korisnici prava) su:
 - 1) državljani Bosne i Hercegovine koji imaju prebivalište ili boravište u pograničnom području Bosne i Hercegovine, čije zemljište ili objekat dijeli granična crta ili se u cijelosti nalazi u pograničnom području susjedne zemlje i na kojem uzgajaju bilje i biljne proizvode iz Privitka I ovog Pravilnika;
 - 2) državljani susjedne zemlje koji imaju prebivalište ili boravište u pograničnom području susjedne zemlje, čije zemljište ili objekat dijeli granična crta ili se u cijelosti nalazi u pograničnom području Bosne i Hercegovine i koji radi daljeg uzgoja unose sjeme i sadni materijal iz tč. 6., 7. i 8. Privitka I ovog Pravilnika, a koji državnu granicu mogu prelaziti uz predočenje pogranične propusnice,
- e) obližnja lokacija je zemljište ili objekat u pograničnom području Bosne i Hercegovine ili susjedne zemlje u vlasništvu korisnika prava.

POGLAVLJE II. UNOŠENJE BILJA I BILJNIH PROIZVODA U BOSNU I HERCEGOVINU

Članak 3.

(Bilje i biljni proizvodi koji su predmet Pravilnika)

Bilje i biljne proizvode iz Privitka I, koji je sastavni dio ovog Pravilnika (u daljem tekstu: bilje iz Privitka I), dopušteno je unijeti u pogranično područje Bosne i Hercegovine u skladu s posebnim uvjetima propisanim ovim Pravilnikom.

Članak 4.

(Fitosanitarni pregled)

Gomolje krumpira (*Solanum tuberosum*) namijenjene sadnji (sjemenski krumpir), bilje iz roda loze (*Vitis*), isključujući plodove (grožđe), sadni materijal drvenastog bilja, presadnice jagode te tlo i supstrat za uzgoj bilja koji se sastoji od organskih tvari, isključujući onaj koji se u cijelosti sastoji se od treseta, mogu se unositi u Bosnu i Hercegovinu samo preko graničnih prijelaza određenih za unošenje bilja koje podliježe fitosanitarnom pregledu.

Članak 5.

(Dozvoljeno unošenje)

Sve ostalo bilje, biljne proizvode i druge regulirane objekte koje nije obuhvaćeno člankom 4. niti Privitkom I ovog Pravilnika dopušteno je unositi u Bosnu i Hercegovinu bez fitosanitarnog pregleda ili rješenja iz članka 9. ovog Pravilnika.

POGLAVLJE III. UNOŠENJE BILJA I BILJNIH PROIZVODA U POGRANIČNO PODRUČJE UZ POSEBNE UVJETE

Članak 6.

(Posebni uvjeti)

- (1) Korisnici prava mogu, uz posebne uvjete i na način propisan ovim Pravilnikom, iz pograničnog područja susjedne zemlje u pogranično područje Bosne i Hercegovine unositi bilje iz Privitka I ovog Pravilnika, pod uvjetom da nema opasnosti od unošenja štetnih organizama određenih Pravilnikom o listama štetnih organizama, listama bilja, biljnih proizvoda i reguliranih objekata ("Službeni glasnik BiH", broj 48/13).
- (2) Bilje iz Privitka I, kada ga korisnik prava unosi u skladu s odredbama ovog Pravilnika, ne podliježe obveznom fitosanitarnom pregledu pri unošenju.
- (3) Bilje iz Privitka I može se unositi preko graničnih prijelaza i prijelaznih mjesta koji su u skladu sa međunarodnim ugovorima i odgovarajućem BiH zakonskom aktu određeni za pogranični promet.
- (4) U slučaju kad je bilje iz Privitka I uzgojeno, proizvedeno ili se upotrebljavalo na zemljištu ili objektu korisnika prava koje dijeli granična crta, korisnik prava može iz onog dijela takvog zemljišta ili objekta koji se nalazi na pograničnom području susjedne zemlje izravno unositi bilje iz Privitka I na dio zemljišta ili objekta koji se nalazi u Bosni i Hercegovini.

Članak 7.

(Uvjeti za unošenje bilja iz Privitka I)

- (1) Bilje iz Privitka I smiju unositi samo korisnici prava koji posjeduju rješenje Uprave BiH za zaštitu zdravlja bilja (u daljem tekstu: Uprava) kojim se odobrava unošenje takvog bilja.
- (2) Bilje iz Privitka I smiju unositi u pogranično područje Bosne i Hercegovine korisnici prava u skladu sa posebnim uvjetima propisanim ovim Pravilnikom, radi uporabe na obližnjim lokacijama u pograničnom području Bosne i Hercegovine.

Članak 8.

(Režim za bilje iz Privitka I)

- (1) Bilje iz Privitka I koje je unijeto u pogranično područje Bosne i Hercegovine u skladu sa posebnim uvjetima propisanim ovim Pravilnikom nije dopušteno iznositi iz pograničnog područja Bosne i Hercegovine.
- (2) Ako se bilje, biljni proizvodi i drugi regulirani objekti proizvedeni u pograničnom području susjedne zemlje namjeravaju iznositi izvan pograničnog područja, tada za njih ne važe posebni uvjeti propisani ovim Pravilnikom. U takvim slučajevima, bilje iz Privitka I ovog Pravilnika se smije unositi u Bosnu i Hercegovinu samo preko mjesta ulaska određenih za unošenje bilja, biljnih proizvoda i drugih reguliranih objekata te podliježu fitosanitarnom pregledu pri unošenju, koji obavlja fitosanitarna inspekcija.
- (3) Bilje iz Privitka I, točke 3. ovog Pravilnika (krumpir merkantilni/konzumni) korisnici prava mogu unositi u pogranično područje Bosne i Hercegovine samo za osobne potrebe.

Članak 9.

(Odobrenje)

- (1) Na zahtjev korisnika prava Uprava izdaje rješenje iz članka 7. stavka (1) ovog Pravilnika (u daljnjem tekstu: odobrenje), kojim odobrava unošenje određenog bilja iz Privitka I, a koje je uzgojeno, proizvedeno ili upotrebjeno u pograničnom području susjedne zemlje. Uprava vodi jedinstvenu evidenciju o izdatim odobrenjima koja je javno dostupna na web stranici Uprave.
- (2) Uprava može na zahtjev korisnika prava ukinuti odobrenje ako je korisnik prava prestao proizvoditi bilje iz Privitka I ili ako se inspekcijskim pregledom utvrdilo da ne udovoljava odredbama ovog Pravilnika.

Članak 10.

(Zahtjev za odobrenje)

- (1) U zahtjevu iz članka 9. stavka (1) ovog Pravilnika korisnik prava mora navesti ove podatke:
 - a) ime i prezime,
 - b) adresu prebivališta,
 - c) jedinstveni matični broj (JMBG),
 - d) telefonski broj za kontakt,
 - e) naziv susjedne zemlje u kojoj se nalazi zemljište ili objekt korisnika prava,
 - f) vrstu(-e) bilja i/ili biljnog(-ih) proizvoda koje namjerava unositi iz pograničnog područja susjedne zemlje,
 - g) namjenu bilja i/ili biljnog(-ih) proizvoda koje namjerava unositi iz pograničnog područja susjedne zemlje,
 - h) približnu količinu bilja i/ili biljnog(-ih) proizvoda koju namjerava proizvesti na svojem zemljištu ili objektu i koju namjerava unijeti iz pograničnog područja susjedne zemlje,
 - i) vrstu nekretnine (zemljište ili objekt) koju posjeduje na obližnjoj lokaciji pograničnog područja u Bosni i Hercegovini i susjednoj zemlji,
 - j) naziv katastarske općine i broj katastarske čestice na kojoj se nalazi obližnja lokacija pograničnog područja u Bosni i Hercegovini i u susjednoj zemlji,
 - k) površinu obližnje lokacije pograničnog područja u Bosni i Hercegovini i susjednoj zemlji,
 - l) granični/pogranični prijelaz preko kojeg namjerava unositi bilje iz Privitka I,
 - m) druge podatke, ako to zatraži Uprava.
- (2) Uz zahtjev iz članka 9. stavka (1) ovog Pravilnika, korisnik prava mora priložiti sljedeće dokumente:
 - a) kopiju važeće pogranične propusnice i

- b) izvod iz zemljišne knjige ili izvod iz katastarskog plana ili iznimno, prema procjeni Uprave i drugi dokument kojim korisnik dokazuje pravo korištenja zemljišta ili objekta u pograničnom području Bosne i Hercegovine ili susjedne zemlje.

Članak 11.

(Evidencija)

- (1) Korisnik prava obavezan je voditi evidenciju o unesenom bilju iz Privitka I.
- (2) Evidencija iz stavka (1) ovog članka vodi se u obliku pograničnog evidencijskog lista za bilje (u daljnjem tekstu: evidencijski list) iz Privitka II koji je sastavni dio ovog Pravilnika.
- (3) Evidencijski list izdaje se i dostavlja korisniku prava zajedno s odobrenjem.
- (4) U evidencijskom listu navode se osnovni podaci o korisniku prava, broj i datum izdavanja odobrenja, broj i mjesto izdavanja pogranične propusnice te granični/pogranični prijelaz preko kojeg se namjerava unositi bilje iz Privitka I.
- (5) Evidencijski list korisnik prava obavezan je čuvati tri godine nakon isteka kalendarske godine u kojoj je bilje iz Privitka I unešeno u pogranično područje Bosne i Hercegovine.
- (6) Korisnik prava je obavezan dostaviti Upravi kopije svih evidencijskih listova za prethodnu kalendarsku godinu najkasnije do 31 siječnja tekuće godine.

Članak 12.

(Procedura pri unošenju bilja iz Privitka I)

- (1) Korisnik prava obavezan je prije svakog unošenja bilja iz Privitka I u evidencijski list upisati vrstu i jednokratnu količinu bilja koju tom prilikom namjerava unijeti u pogranično područje Bosne i Hercegovine.
- (2) Prilikom svakog unošenja bilja iz Privitka I korisnik prava obavezan je ovlaštenom graničnom službeniku Bosne i Hercegovine (u daljnjem tekstu: ovlašteni službenik) predati radi potvrđivanja evidencijski list s podacima iz stavka (1) ovog članka i predočiti mu odobrenje.
- (3) Ovlašteni službenici su:
 - a) fitosanitarni inspektor
 - b) carinski službenik i
 - c) službenik granične policije.
- (4) Ovlašteni službenik potvrđuje svojim potpisom i otiskom službenog pečata u evidencijskom listu jednokratno unošenje određene količine bilja iz Privitka I.
- (5) Ako na graničnom prijelazu djeluje fitosanitarna inspekcija, a bilje iz Privitka I unosi se tokom radnog vremena te inspekcije, evidencijski list potvrđuje fitosanitarni inspektor.
- (6) Ako se bilje iz Privitka I unosi preko graničnog prijelaza na kojem ne djeluje fitosanitarna inspekcija ili se ono unosi izvan radnog vremena fitosanitarne inspekcije, evidencijski list potvrđuje carinski službenik.
- (7) Ako se bilje iz Privitka I unosi preko graničnog prijelaza na kojem djeluje samo granična policija, evidencijski list potvrđuje službenik granične policije.
- (8) Utvrdi li ovlašteni službenik da korisnik prava ne unosi bilje i/ili biljne proizvode u skladu s odobrenjem ili da osoba koja unosi bilje i/ili biljne proizvode nije korisnik prava, neće dopustiti unošenje bilja i/ili biljnih proizvoda i naložit će korisniku prava odnosno drugoj osobi da ih bez odgađanja vrati u susjednu zemlju iz koje oni potječu.

Članak 13.

(Obveze korisnika prava)

Korisnik prava obavezan je pregledati bilje i biljne proizvode koje proizvodi u pograničnom području Bosne i Hercegovine i o

svakoj novoj i neuobičajenoj pojavi štetnog organizma izvijestiti nadležnog fitosanitarnog inspektora.

POGLAVLJE IV. INSPEKCIJSKI PREGLEDI

Članak 14.

(Pregled fitosanitarnog inspektora)

- (1) Fitosanitarni inspektor nadležan za pogranično područje Bosne i Hercegovine u kojem se nalazi prebivalište korisnika prava može od njega zatražiti na uvid evidencijski list te nasumičnim inspeksijskim pregledom provjeriti pridržava li se korisnik prava odredbi ovog Pravilnika te prava i obveza određenih odobrenjem.
- (2) Ako fitosanitarni inspektor inspeksijskim pregledom iz stavka (1) ovog članka utvrdi da korisnik prava ne postupa u skladu s odredbama ovog Pravilnika ili izdatim odobrenjem, ili da je bilje iz Privitka I zaraženo štetnim organizmom navedenim u propisu iz članka 6. stavka (1) ovog Pravilnika, donijeće rješenje kojim će, zavisno o slučaju, odrediti jednu ili više službenih mjera:
 - a) zabraniti dalje unošenje bilja iz Privitka I;
 - b) zabraniti korištenje unešenog bilja i/ili biljnih proizvoda;
 - c) odrediti druge mjere radi sprječavanja širenja štetnih organizama iz propisa iz članka 6. stavka (1) ovog Pravilnika.
- (3) Fitosanitarni inspektor je obavezan dostaviti Upravi jedan primjerak svakog izdatog rješenja.

POGLAVLJE V. SURADNJA

Članak 15.

(Suradnja sa susjednim zemljama)

Nadležne službe za zdravlje bilja Bosne i Hercegovine i susjednih zemalja surađuju u provođenju ovog Pravilnika te prema potrebi razmjenjuju podatke o korisnicima prava koji imaju odobrenje izdano u skladu sa ovim Pravilnikom.

POGLAVLJE VI. PRIJELAZNE I ZAVRŠNE ODREDBE

Članak 16.

(Početak primjene Pravilnika)

Odredbe ovog Pravilnika primjenjuju se na unošenje bilja i biljnih proizvoda iz pograničnog područja susjedne zemlje s kojom je Bosna i Hercegovina potpisala sporazum o pograničnom prometu, počevši od datuma početka privremene primjene tog sporazuma.

Članak 17.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj UZZB: 01-1-02-2-673-10/13

19. ožujka 2014. godine

Sarajevo

Direktor

Radenko Radović, v. r.

PRIVITAK I.

Spisak bilja i biljnih proizvoda uzgojenih, proizvedenih ili upotrebljenih u pograničnom području susjednih zemalja koji se uz posebne uvjete smiju unositi iz tih zemalja u pogranično područje Bosne i Hercegovine

1. Povrće:
 - 1.1. listovi:
 - celer (*Apium graveolens*)
 - bosiljak (*Ocimum spp.*)
 - 1.2. plodovi:
 - gorke tikvice (momordike) (*Momordica spp.*)
 - patlidžan (*Solanum melongena*)
2. Voće:
 - plodovi agruma (rodovi: *Citrus*, *Fortunella* i *Poncirus* te križanaca bilja iz tih rodova): narandža, limun, mandarina, grejpfrut i dr.
3. Krumpir (*Solanum tuberosum*):
 - merkantilni (konzumni)
4. Rezano cvijeće:
 - karanfil (*Dianthus spp.*)
 - krizantema (*Dendranthema spp.*)
 - orhideje (kaćuni) (*Orchidaceae*)
 - pelargonija (*Pelargonium spp.*)
 - sadarka, gipsofila (*Gypsophila spp.*)
 - zlatnica (*Solidago spp.*)
5. Svježi dijelovi bilja koji nisu namijenjeni za sadnju: zelenilo, ukrasne grane s cvjetovima, listovima (iglicama) i sl., isključujući plodove i sjeme:
 - četinari (*Coniferales*)
 - palme iz roda *Phoenix*
 - hrast (*Quercus spp.*)
 - pitomi kesten (*Castanea spp.*)
 - topola, jablan (*Populus spp.*)
 - svježi dijelovi bilja iz rodova *Citrus*, *Fortunella* i *Poncirus* te njihovih križanaca (narandža, limun, mandarina, grejpfrut i sl.)
6. Sjeme:
 - graha (*Phaseolus spp.*)
 - kukuruza (*Zea mays*)
 - lucerke (*Medicago sativa*)
 - luka kozjaka (*Allium ascalonicum*), crvenog luka (*Allium cepa*), prase (*Allium porrum*) i vlasca (*Allium schoenoprasum*)
 - paprike (*Capsicum annuum*)
 - rajčice (*Lycopersicon lycopersicum*)
 - bilja iz roda *Prunus* (šljive, breskve, kajsije, trešnje, višnje i dr., te ukrasnih vrsta)
 - bilja iz roda *Rubus* (maline, kupine)
 - suncokreta (*Helianthus annuus*)
 - riže (*Oryza spp.*)
7. Presadnice cvijeća i povrća
8. Lukovice, gomolji i podanci ukrasnog bilja

PRIVITAK II.

POGRANIČNI EVIDENCIJSKI LIST ZA BILJE

str. 1.

I PODACI O KORISNIKU PRAVA			
Ime i prezime		JMBG	
Adresa prebivališta			
II ODOBRENJE			
BROJ ODOBRENJA:			
Izdano dana:		Vrijedi do:	
III GRANIČNI PRIJELAZI			
IV POGRANIČNA PROPUSNICA			
Broj:		Mjesto izdavanja:	

Ovlaštena osoba Uprave

III. EVIDENCIJA O UNOŠENJU BILJA I BILJNIH PROIZVODA

Vrsta bilja	Količina (kg ili kom)	Granični prijelaz i datum unošenja	Potvrda ovlaštenog službenika (napomena prema potrebi)

POGRANIČNI EVIDENCIJSKI LIST ZA BILJE

str.2.

Ime i prezime		JMBG	
Adresa prebivališta			

Ovlaštena osoba Uprave

Vrsta bilja	Količina (kg ili kom)	Građnični prijelaz i datum unošenja	Potvrda ovlaštenog službenika (napomena prema potrebi)

На основу члана 17. став 3. и члана 28. Закона о заштити здравља биља ("Службени гласник БиХ", број 23/03) и члана 61. став (2) Закона о управи ("Службени гласник БиХ", бр. 32/02 и 102/09), Управа Босне и Херцеговине за заштиту здравља биља, у сарадњи са надлежним органима ентитета и Брчко дистрикта БиХ, доноси

ПРАВИЛНИК О УСЛОВИМА И НАЧИНУ УНОШЕЊА ОДРЕЂЕНОГ БИЉА И БИЉНИХ ПРОИЗВОДА ИЗ СУСЈЕДНИХ ЗЕМАЉА У ПОГРАНИЧНО ПОДРУЧЈЕ БОСНЕ И ХЕРЦЕГОВИНЕ

ПОГЛАВЉЕ I. ОПШТЕ ОДРЕДБЕ

Члан 1. (Предмет)

Овим Правилником прописују се услови и начин уношења одређеног биља и биљних производа узгојених, произведених или употријебљених у пограничном подручју сусједних земаља, који се уносе из тих земаља ради употребе на оближњим локацијама у пограничном подручју Босне и Херцеговине.

Члан 2. (Дефиниције)

Изрази употријебљени у Закону о заштити здравља биља ("Службени гласник БиХ", број 23/03) (у даљем тексту: Закон) употребљавају се и у овом Правилнику, а изрази употријебљени у овом Правилнику имају сљедеће значење:

- a) погранично подручје је дио државног подручја Босне и Херцеговине и сусједне земље уз копнену границу, који се простире у ширини одређеној међународним споразумом о пограничном промету потписаним са сусједном земљом,
- b) сусједне земље су:
 - 1) Република Хрватска,
 - 2) Република Србија,
 - 3) Црна Гора,
- c) уношење/увоз је свако довођење пошљака биља и биљних производа у царинско подручје Босне и Херцеговине, без обзира која је врста употребе у складу са царинским прописима, осим уношења ради провоза,
- d) корисници права уношења биља и биљних производа у погранично подручје Босне и Херцеговине из сусједне земље (у даљем тексту: корисници права) су:
 - 1) држављани Босне и Херцеговине који имају пребивалиште или боравиште у пограничном подручју Босне и Херцеговине, чије земљиште или објекат дијели гранична линија или се у цијелости налази у пограничном подручју сусједне земље и на којем узгајају биље и биљне производе из Прилога I овог Правилника;
 - 2) држављани сусједне земље који имају пребивалиште или боравиште у пограничном подручју сусједне земље, чије земљиште или објекат дијели гранична линија или се у цијелости налази у пограничном подручју Босне и Херцеговине и који ради даљег узгоја уносе сјеме и садни материјал из тч. 6., 7. и 8. Прилога I овог Правилника, а који државну границу могу прелазити уз предочење пограничне пропуснице,

- e) оближња локација је земљиште или објекат у пограничном подручју Босне и Херцеговине или сусједне земље у власништву корисника права.

ПОГЛАВЉЕ II. УНОШЕЊЕ БИЉА И БИЉНИХ ПРОИЗВОДА У БОСНУ И ХЕРЦЕГОВИНУ

Члан 3.

(Биље и биљни производи који су предмет Правилника)

Биље и биљне производе из Прилога I, који је саставни дио овог Правилника (у даљем тексту: биље из Прилога I), допуштено је унијети у погранично подручје Босне и Херцеговине у складу с посебним условима прописаним овим Правилником.

Члан 4.

(Фитосанитарни преглед)

Кртоле кромпира (*Solanum tuberosum*) намијењене садњи (сјеменски кромпир), биље из рода лозе (*Vitis*), искључујући плодове (грожђе), садни материјал дрвенастог биља, расад јагоде те земља и супстрат за узгој биља који се састоји од органских материја, искључујући онај који се у цијелости састоји се од тресета, могу се уносити у Босну и Херцеговину само преко граничних прелаза одређених за уношење биља које подлијеже фитосанитарном прегледу.

Члан 5.

(Дозвољено уношење)

Све остало биље, биљне производе и друге регулисане објекте које није обухваћено чланом 4. нити Прилогом I овог Правилника допуштено је уносити у Босну и Херцеговину без фитосанитарног прегледа или рјешења из члана 9. овог Правилника.

ПОГЛАВЉЕ III. УНОШЕЊЕ БИЉА И БИЉНИХ ПРОИЗВОДА У ПОГРАНИЧНО ПОДРУЧЈЕ УЗ ПОСЕБНЕ УСЛОВЕ

Члан 6.

(Посебни услови)

- (1) Корисници права могу, уз посебне услове и на начин прописан овим Правилником, из пограничног подручја сусједне земље у погранично подручје Босне и Херцеговине уносити биље из Прилога I овог Правилника, под условом да нема опасности од уношења штетних организама одређених Правилником о листовима штетних организама, листовима биља, биљних производа и регулисаних објеката ("Службени гласник БиХ", број 48/13).
- (2) Биље из Прилога I, када га корисник права уноси у складу с одредбама овог Правилника, не подлијеже обавезном фитосанитарном прегледу при уношењу.
- (3) Биље из Прилога I може се уносити преко граничних прелаза и прелазних мјеста који су у складу са међународним уговорима и одговарајућем БиХ законском акту одређени за погранични промет.
- (4) У случају кад је биље из Прилога I узгојено, произведено или се употребљавало на земљишту или објекту корисника права које дијели гранична линија, корисник права може из оног дијела таквог земљишта или објекта који се налази на пограничном подручју сусједне земље директно уносити биље из Прилога I на дио земљишта или објекта који се налази у Босни и Херцеговини.

Члан 7.

(Услови за уношење биља из Прилога I)

- (1) Биље из Прилога I смију уносити само корисници права који посједују рјешење Управе БиХ за заштиту здравља биља (у даљем тексту: Управа) којим се одобрава уношење таквог биља.

- (2) Биље из Прилога I смију уносити у погранично подручје Босне и Херцеговине корисници права у складу са посебним условима прописаним овим Правилником, ради употребе на оближним локацијама у пограничном подручју Босне и Херцеговине.

Члан 8.

(Режим за биље из Прилога I)

- (1) Биље из Прилога I које је унешено у погранично подручје Босне и Херцеговине у складу са посебним условима прописаним овим Правилником није допуштено износити из пограничног подручја Босне и Херцеговине.
- (2) Ако се биље, биљни производи и други регулисани објекти произведени у пограничном подручју сусједне земље намјеравају износити изван пограничног подручја, тада за њих не важе посебни услови прописани овим Правилником. У таквим случајевима, биље из Прилога I овог Правилника се смије уносити у Босну и Херцеговину само преко мјеста уласка одређених за уношење биља, биљних производа и других регулисаних објеката те подлијежу фитосанитарном прегледу при уношењу, који обавља фитосанитарна инспекција.
- (3) Биље из Прилога I, тачке 3. овог Правилника (кромпир меркантилни/конзумни) корисници права могу уносити у погранично подручје Босне и Херцеговине само за властите потребе.

Члан 9.

(Одобрење)

- (1) На захтјев корисника права Управа издаје рјешење из члана 7. става (1) овог Правилника (у даљњем тексту: одобрење), којим одобрава уношење одређеног биља из Прилога I, а које је узгојено, произведено или употребљено у пограничном подручју сусједне земље. Управа води јединствену евиденцију о издатим одобрењима која је јавно доступна на веб страници Управе.
- (2) Управа може на захтјев корисника права укинути одобрење ако је корисник права престао производити биље из Прилога I или ако се инспекцијским прегледом утврдило да не удовољава одредбама овог Правилника.

Члан 10.

(Захтјев за одобрење)

- (1) У захтјеву из члана 9. става (1) овог Правилника корисник права мора навести ове податке:
- име и презиме,
 - адресу пребивалишта,
 - јединствени матични број (ЈМБГ),
 - телефонски број за контакт,
 - назив сусједне земље у којој се налази земљиште или објект корисника права,
 - врсту(-е) биља и/или биљног(-их) производа које намјерава уносити из пограничног подручја сусједне земље,
 - намјену биља и/или биљног(-их) производа које намјерава уносити из пограничног подручја сусједне земље,
 - приближну количину биља и/или биљног(-их) производа коју намјерава произвести на својем земљишту или објекту и коју намјерава унијети из пограничног подручја сусједне земље,
 - врсту некретнине (земљиште или објект) коју посједује на оближњој локацији пограничног подручја у Босни и Херцеговини и сусједној земљи,
 - назив катастарске општине и број катастарске честице на којој се налази оближња локација

пограничног подручја у Босни и Херцеговини и у сусједној земљи,

- површину оближње локације пограничног подручја у Босни и Херцеговини и сусједној земљи,
 - гранични/погранични прелаз преко којег намјерава уносити биље из Прилога I,
 - друге податке, ако то затражи Управа.
- (2) Уз захтјев из члана 9. став (1) овог Правилника, корисник права мора приложити сљедеће документе:
- копију важеће пограничне пропуснице и
 - извод из земљишне књиге или извод из катастарског плана или изнимно, према процјени Управе и други документ којим корисник доказује право кориштења земљишта или објекта у пограничном подручју Босне и Херцеговине или сусједне земље.

Члан 11.

(Евиденција)

- (1) Корисник права обавезан је водити евиденцију о унесеном биљу из Прилога I.
- (2) Евиденција из става (1) овог члана води се у облику пограничног евиденцијског листа за биље (у даљњем тексту: евиденцијски лист) из Прилога II који је саставни дио овог Правилника.
- (3) Евиденцијски лист издаје се и доставља кориснику права заједно с одобрењем.
- (4) У евиденцијском листу наводе се основни подаци о кориснику права, број и датум издавања одобрења, број и мјесто издавања пограничне пропуснице као и гранични/погранични прелаз преко којег се намјерава уносити биље из Прилога I.
- (5) Евиденцијски лист корисник права обавезан је чувати три године након истека календарске године у којој је биље из Прилога I унешено у погранично подручје Босне и Херцеговине.
- (6) Корисник права је обавезан доставити Управи копије свих евиденцијских листова за претходну календарску годину најкасније до 31. јануара текуће године.

Члан 12.

(Процедура при уношењу биља из Прилога I)

- (1) Корисник права обавезан је прије сваког уношења биља из Прилога I у евиденцијски лист уписати врсту и једнократну количину биља коју том приликом намјерава унијети у погранично подручје Босне и Херцеговине.
- (2) Приликом сваког уношења биља из Прилога I корисник права обавезан је овлашћеном граничном службенику Босне и Херцеговине (у даљњем тексту: овлаштени службеник) предати ради потврђивања евиденцијски лист с подацима из става (1) овог члана и предочити му одобрење.
- (3) Овлаштени службеници су:
- фитосанитарни инспектор,
 - царински службеник и
 - службеник граничне полиције.
- (4) Овлаштени службеник потврђује својим потписом и отиском службеног печата у евиденцијском листу једнократно уношење одређене количине биља из Прилога I.
- (5) Ако на граничном прелазу дјелује фитосанитарна инспекција, а биље из Прилога I уноси се током радног времена те инспекције, евиденцијски лист потврђује фитосанитарни инспектор.
- (6) Ако се биље из Прилога I уноси преко граничног прелаза на коме не дјелује фитосанитарна инспекција

или се оно уноси изван радног времена фитосанитарне инспекције, евиденцијски лист потврђује царински службеник.

- (7) Ако се биље из Прилога I уноси преко граничног преграда на коме дјелује само гранична полиција, евиденцијски лист потврђује службеник граничне полиције.
- (8) Утврди ли овлаштени службеник да корисник права не уноси биље и/или биљне производе у складу с одобрењем или да лице које уноси биље и/или биљне производе није корисник права, неће допустити уношење биља и/или биљних производа и наложиће кориснику права односно другом лицу да их без одгањања врати у сусједну земљу из које они потичу.

Члан 13.

(Обавезе корисника права)

Корисник права обавезан је прегледати биље и биљне производе које производи у пограничном подручју Босне и Херцеговине и о свакој новој и неуобичајеној појави штетног организма извјестити надлежног фитосанитарног инспектора.

ПОГЛАВЉЕ IV. ИНСПЕКЦИЈСКИ ПРЕГЛЕДИ

Члан 14.

(Преглед фитосанитарног инспектора)

- (1) Фитосанитарни инспектор надлежан за погранично подручје Босне и Херцеговине у којем се налази пребивалиште корисника права може од њега затражити на увид евиденцијски лист и насумичним инспекцијским прегледом провјерити придржава ли се корисник права одредби овог Правилника као и права и обавеза одређених одобрењем.
- (2) Ако фитосанитарни инспектор, инспекцијским прегледом из става (1) овог члана, утврди да корисник права не поступа у складу с одредбама овог Правилника или издатим одобрењем, или да је биље из Прилога I заражено штетним организмом наведеним у пропису из члана 6. став (1) овог Правилника, донијеће рјешење којим ће, зависно од случаја, одредити једну или више службених мјера:
- забранили даље уношење биља из Прилога I,
 - забранили коришћење унешеног биља и/или биљних производа,
 - одредити друге мјере ради спрјечавања ширења штетних организама из прописа из члана 6. става (1) овог Правилника.
- (3) Фитосанитарни инспектор је обавезан доставити Управи један примјерак сваког издатог рјешења.

ПОГЛАВЉЕ V. САРАДЊА

Члан 15.

(Сарадња са сусједним земљама)

Надлежне службе за здравље биља Босне и Херцеговине и сусједних земаља сарађују у провођењу овог Правилника и према потреби размјењују податке о корисницима права који имају одобрење издато у складу са овим Правилником.

ПОГЛАВЉЕ VI. ПРЕЛАЗНЕ И ЗАВРШНЕ ОДРЕДБЕ

Члан 16.

(Почетак примјене Правилника)

Одредбе овог Правилника примјењују се на уношење биља и биљних производа из пограничног подручја сусједне земље с којом је Босна и Херцеговина потписала споразум о пограничном промету, почевши од датума почетка привремене примјене тог споразума.

Члан 17.

(Ступање на снагу)

Овај Правилник ступа на снагу осмог дана од дана објављивања у "Службеном гласнику БиХ".

Број УЗЗБ: 01-1-02-2-673-10/13

19. марта 2014. године

Сарајево

Директор

Раденко Радовић, с. р.

ПРИЛОГ I.

Списак биља и биљних производа узгојених, произведених или употребљених у пограничном подручју сусједних земаља који се уз посебне услове смију уносити из тих земаља у погранично подручје Босне и Херцеговине

- Поврће:
 - листови:
 - целер (*Apium graveolens*)
 - босиљак (*Ocimum spp.*)
 - плодови:
 - горке тиквице (момордице) (*Momordica spp.*)
 - патлиџан (*Solanum melongena*)
- Воће:
 - плодови агрума (родови: *Citrus*, *Fortunella* и *Poncirus* те хибриди биља из тих родова): наранџа, лимун, мандарина, грејпфрут и др.
- Кромпир (*Solanum tuberosum*):
 - меркантилни (конзумни)
- Резано цвијеће:
 - каранфил (*Dianthus spp.*)
 - хризантема (*Dendranthema spp.*)
 - орхидеје (кађуни) (*Orchidaceae*)
 - пеларгонија (*Pelargonium spp.*)
 - садарка, гипсофила (*Gypsophila spp.*)
 - златница (*Solidago spp.*)
- Свјежи дијелови биља који нису намијењени за садњу: зеленило, украсне гране с цвјетовима, листовима (иглицама) и сл., искључујући плодове и сјеме:
 - четинари (*Coniferales*)
 - палме из рода *Phoenix*
 - храст (*Quercus spp.*)
 - питоми кестен (*Castanea spp.*)
 - топола, јаблан (*Populus spp.*)
 - свјежи дијелови биља из родова *Citrus*, *Fortunella* и *Poncirus* те њихових хибрида (наранџа, лимун, мандарина, грејпфрут и сл.)
- Сјеме:
 - граха (*Phaseolus spp.*)
 - кукуруза (*Zea mays*)
 - луцерке (*Medicago sativa*)
 - лука козјака (*Allium ascalonicum*), црвеног лука (*Allium cepa*), прасе (*Allium porrum*) и власца (*Allium schoenoprasum*)
 - паприке (*Capsicum annum*)
 - парадајза (*Lycopersicon lycopersicum*)
 - биља из рода *Prunus*
 - (шљиве, брескве, кајсије, трешње, вишње и др., и украсних врста)
 - биља из рода *Rubus* (малине, купине)
 - сунцокрета (*Helianthus annuus*)
 - риже (*Oryza spp.*)
- Расад цвијећа и поврћа
- Луковице, кртоле и поданци украсног биља

ПРИЛОГ II.

ПОГРАНИЧНИ ЕВИДЕНЦИЈСКИ ЛИСТ ЗА БИЉЕ
стр. 1.

I ПОДАЦИ О КОРИСНИКУ ПРАВА			
Име и презиме		ЈМБГ	
Адреса пребивалишта			
II ОДОБРЕЊЕ			
БРОЈ ОДОБРЕЊА:			
Издато дана:		Важи до:	
III ГРАНИЧНИ ПРЕЛАЗИ			
IV ПОГРАНИЧНА ПРОПУСНИЦА			
Број:		Мјесто издавања:	

Овлаштено лице Управе

IIII ЕВИДЕНЦИЈА О УНОШЕЊУ БИЉА И БИЉНИХ ПРОИЗВОДА

Врста биља	Количина (кг или ком)	Гранични прелаз и датум уношења	Потврда овлаштеног службеника (напомена према потреби)

ПОГРАНИЧНИ ЕВИДЕНЦИЈСКИ ЛИСТ ЗА БИЉЕ
стр.2.

Име и презиме		ЈМБГ	
Адреса пребивалишта			

Овлаштено лице Управе

Врста биља	Количина (кг или ком)	Гранични прелаз и датум уношења	Потврда овлаштеног службеника (напомена према потреби)

Na osnovu člana 17. stav 3. i člana 28. Zakona o zaštiti zdravlja bilja ("Službeni glasnik BiH", broj 23/03) i člana 61. stav (2) Zakona o upravi ("Službeni glasnik BiH", br. 32/02 i 102/09), Uprava Bosne i Hercegovine za zaštitu zdravlja bilja, u saradnji sa nadležnim organima entiteta i Brčko distrikta BiH, donosi

**PRAVILNIK
O USLOVIMA I NAČINU UNOŠENJA ODREĐENOG
BILJA I BILJNIH PROIZVODA IZ SUSJEDNIH
ZEMALJA U POGRANIČNO PODRUČJE BOSNE I
HERCEGOVINE**

POGLAVLJE I. OPŠTE ODREDBE

Član 1.
(Predmet)

Ovim Pravilnikom propisuju se uslovi i način unošenja određenog bilja i biljnih proizvoda uzgojenih, proizvedenih ili upotrijebljenih u pograničnom području susjednih zemalja, koji se unose iz tih zemalja radi upotrebe na obližnjim lokacijama u pograničnom području Bosne i Hercegovine.

Član 2.
(Definicije)

Izrazi upotrijebljeni u Zakonu o zaštiti zdravlja bilja ("Službeni glasnik BiH", broj 23/03) (u daljem tekstu: Zakon) upotrebljavaju se i u ovom Pravilniku, a izrazi upotrijebljeni u ovom Pravilniku imaju slijedeće značenje:

- a) pogranično područje je dio državnog područja Bosne i Hercegovine i susjedne zemlje uz kopnenu granicu, koji se prostire u širini određenoj međunarodnim sporazumom o pograničnom prometu potpisanim sa susjednom zemljom,
- b) susjedne zemlje su:
 - 1) Republika Hrvatska,
 - 2) Republika Srbija,
 - 3) Crna Gora,
- c) unošenje/uvoz je svako dovođenje pošiljaka bilja i biljnih proizvoda u carinsko područje Bosne i Hercegovine, bez obzira koja je vrsta upotrebe u skladu sa carinskim propisima, osim unošenja radi provoza,
- d) korisnici prava unošenja bilja i biljnih proizvoda u pogranično područje Bosne i Hercegovine iz susjedne zemlje (u daljem tekstu: korisnici prava) su:
 - 1) državljani Bosne i Hercegovine koji imaju prebivalište ili boravište u pograničnom području Bosne i Hercegovine, čije zemljište ili objekat dijeli granična linija ili se u cijelosti nalazi u pograničnom području susjedne zemlje i na kojem uzgajaju bilje i biljne proizvode iz Priloga I ovog Pravilnika;
 - 2) državljani susjedne zemlje koji imaju prebivalište ili boravište u pograničnom području susjedne zemlje, čije zemljište ili objekat dijeli granična crta ili se u cijelosti nalazi u pograničnom području Bosne i Hercegovine i koji radi daljeg uzgoja unose sjeme i sadni materijal iz tč. 6., 7. i 8. Priloga I ovog Pravilnika, a koji državnu granicu mogu prelaziti uz prikaz pogranične propusnice,
- e) obližnja lokacija je zemljište ili objekat u pograničnom području Bosne i Hercegovine ili susjedne zemlje u vlasništvu korisnika prava.

**POGLAVLJE II. UNOŠENJE BILJA I BILJNIH
PROIZVODA U BOSNU I HERCEGOVINU**

Član 3.

(Bilje i biljni proizvodi koji su predmet Pravilnika)
Bilje i biljne proizvode iz Priloga I, koji je sastavni dio ovoga Pravilnika (u daljem tekstu: bilje iz Priloga I), dopušteno je unijeti u pogranično područje Bosne i Hercegovine u skladu s posebnim uslovima propisanim ovim Pravilnikom.

Član 4.

(Fitosanitarni pregled)

Gomolje krompira (*Solanum tuberosum*) namijenjene sadnji (sjemenski krompir), bilje iz roda loze (*Vitis*), isključujući plodove (grožđe), sadni materijal drvenastog bilja, presadnice jagode te tlo i supstrat za uzgoj bilja koji se sastoji od organskih materija, isključujući onaj koji se u cijelosti sastoji se od treseta, mogu se unositi u Bosnu i Hercegovinu samo preko graničnih prelaza određenih za unošenje bilja koje podliježe fitosanitarnom pregledu.

Član 5.

(Dozvoljeno unošenje)

Sve ostalo bilje, biljne proizvode i druge regulisane objekte koje nije obuhvaćeno članom 4. niti Prilogom I ovog Pravilnika dopušteno je unositi u Bosnu i Hercegovinu bez fitosanitarnog pregleda ili rješenja iz člana 9. ovog Pravilnika.

**POGLAVLJE III. UNOŠENJE BILJA I BILJNIH
PROIZVODA U POGRANIČNO PODRUČJE UZ
POSEBNE UVJETE**

Član 6.

(Posebni uslovi)

- (1) Korisnici prava mogu, uz posebne uslove i na način propisan ovim Pravilnikom, iz pograničnog područja susjedne zemlje u pogranično područje Bosne i Hercegovine unositi bilje iz Priloga I ovog Pravilnika, pod uslovom da nema opasnosti od unošenja štetnih organizama određenih Pravilnikom o listama štetnih organizama, listama bilja, biljnih proizvoda i regulisanih objekata ("Službeni glasnik BiH", broj 48/13).
- (2) Bilje iz Priloga I, kada ga korisnik prava unosi u skladu s odredbama ovog Pravilnika, ne podliježe obveznom fitosanitarnom pregledu pri unošenju.
- (3) Bilje iz Priloga I može se unositi preko graničnih prelaza i prelaznih mjesta koji su u skladu sa međunarodnim ugovorima i odgovarajućem BiH zakonskom aktu određeni za pogranični promet.
- (4) U slučaju kad je bilje iz Priloga I uzgojeno, proizvedeno ili se upotrebljavalo na zemljištu ili objektu korisnika prava koje dijeli granična linija, korisnik prava može iz onog dijela takvog zemljišta ili objekta koji se nalazi na pograničnom području susjedne zemlje direktno unositi bilje iz Priloga I na dio zemljišta ili objekta koji se nalazi u Bosni i Hercegovini.

Član 7.

(Uslovi za unošenje bilja iz Priloga I)

- (1) Bilje iz Priloga I smiju unositi samo korisnici prava koji posjeduju rješenje Uprave BiH za zaštitu zdravlja bilja (u daljem tekstu: Uprava) kojim se odobrava unošenje takvog bilja.
- (2) Bilje iz Priloga I smiju unositi u pogranično područje Bosne i Hercegovine korisnici prava u skladu sa posebnim uslovima propisanim ovim Pravilnikom, radi upotrebe na obližnjim lokacijama u pograničnom području Bosne i Hercegovine.

Član 8.

(Režim za bilje iz Priloga I)

- (1) Bilje iz Priloga I koje je uneseno u pogranično područje Bosne i Hercegovine u skladu sa posebnim uslovima propisanim ovim Pravilnikom nije dopušteno iznositi iz pograničnog područja Bosne i Hercegovine.
- (2) Ako se bilje, biljni proizvodi i drugi regulisani objekti proizvedeni u pograničnom području susjedne zemlje namjeravaju iznositi izvan pograničnog područja, tada za njih ne važe posebni uslovi propisani ovim Pravilnikom. U takvim slučajevima, bilje iz Priloga I ovog Pravilnika se smije unositi u Bosnu i Hercegovinu samo preko mjesta ulaska određenih za unošenje bilja, biljnih proizvoda i drugih regulisanih objekata te podliježu fitosanitarnom pregledu pri unošenju, koji obavlja fitosanitarna inspekcija.
- (3) Bilje iz Priloga I, tačke 3. ovog Pravilnika (krompir merkantilni/konzumni) korisnici prava mogu unositi u pogranično područje Bosne i Hercegovine samo za vlastite potrebe.

Član 9.

(Odobrenje)

- (1) Na zahtjev korisnika prava Uprava izdaje rješenje iz člana 7. stav (1) ovog Pravilnika (u daljnjem tekstu: odobrenje), kojim odobrava unošenje određenog bilja iz Priloga I, a koje je uzgojeno, proizvedeno ili upotrebjeno u pograničnom području susjedne zemlje. Uprava vodi jedinstvenu evidenciju o izdatim odobrenjima koja je javno dostupna na web stranici Uprave.
- (2) Uprava može na zahtjev korisnika prava ukinuti odobrenje ako je korisnik prava prestao proizvoditi bilje iz Priloga I ili ako se inspeksijskim pregledom utvrdilo da ne udovoljava odredbama ovog Pravilnika.

Član 10.

(Zahtjev za odobrenje)

- (1) U zahtjevu iz člana 9. stav (1) ovog Pravilnika korisnik prava mora navesti ove podatke:
 - a) ime i prezime,
 - b) adresu prebivališta,
 - c) jedinstveni matični broj (JMBG),
 - d) telefonski broj za kontakt,
 - e) naziv susjedne zemlje u kojoj se nalazi zemljište ili objekt korisnika prava,
 - f) vrstu(-e) bilja i/ili biljnog(-ih) proizvoda koje namjerava unositi iz pograničnog područja susjedne zemlje,
 - g) namjenu bilja i/ili biljnog(-ih) proizvoda koje namjerava unositi iz pograničnog područja susjedne zemlje,
 - h) približnu količinu bilja i/ili biljnog(-ih) proizvoda koju namjerava proizvesti na svojem zemljištu ili objektu i koju namjerava unijeti iz pograničnog područja susjedne zemlje,
 - i) vrstu nekretnine (zemljište ili objekt) koju posjeduje na obližnjoj lokaciji pograničnog područja u Bosni i Hercegovini i susjednoj zemlji,
 - j) naziv katastarske opštine i broj katastarske čestice na kojoj se nalazi obližnja lokacija pograničnog područja u Bosni i Hercegovini i u susjednoj zemlji,
 - k) površinu obližnje lokacije pograničnog područja u Bosni i Hercegovini i susjednoj zemlji,
 - l) granični/pogranični prelaz preko kojeg namjerava unositi bilje iz Priloga I,
 - m) druge podatke, ako to zatraži Uprava.
- (2) Uz zahtjev iz člana 9. stav (1) ovog Pravilnika, korisnik prava mora priložiti sljedeće dokumente:

- a) kopiju važeće pogranične propusnice i
- b) izvod iz zemljišne knjige ili izvod iz katastarskog plana ili iznimno, prema procjeni Uprave i drugi dokument kojim korisnik dokazuje pravo korištenja zemljišta ili objekta u pograničnom području Bosne i Hercegovine ili susjedne zemlje.

Član 11.

(Evidencija)

- (1) Korisnik prava obavezan je voditi evidenciju o unesenom bilju iz Priloga I.
- (2) Evidencija iz stava (1) ovoga člana vodi se u obliku pograničnog evidencijskog lista za bilje (u daljnjem tekstu: evidencijski list) iz Priloga II koji je sastavni dio ovog Pravilnika.
- (3) Evidencijski list izdaje se i dostavlja korisniku prava zajedno s odobrenjem.
- (4) U evidencijskom listu navode se osnovni podaci o korisniku prava, broj i datum izdavanja odobrenja, broj i mjesto izdavanja pogranične propusnice te granični/pogranični prelaz preko kojeg se namjerava unositi bilje iz Priloga I.
- (5) Evidencijski list korisnik prava obavezan je čuvati tri godine nakon isteka kalendarske godine u kojoj je bilje iz Priloga I uneseno u pogranično područje Bosne i Hercegovine.
- (6) Korisnik prava je obavezan dostaviti Upravi kopije svih evidencijskih listova za prethodnu kalendarsku godinu najkasnije do 31. januara tekuće godine.

Član 12.

(Procedura pri unošenju bilja iz Priloga I)

- (1) Korisnik prava obavezan je prije svakog unošenja bilja iz Priloga I u evidencijski list upisati vrstu i jednokratnu količinu bilja koju tom prilikom namjerava unijeti u pogranično područje Bosne i Hercegovine.
- (2) Prilikom svakog unošenja bilja iz Priloga I korisnik prava obavezan je ovlaštenom graničnom službeniku Bosne i Hercegovine (u daljnjem tekstu: ovlašteni službenik) predati radi potvrđivanja evidencijski list s podacima iz stava (1) ovoga člana i predočiti mu odobrenje.
- (3) Ovlašteni službenici su:
 - a) fitosanitarni inspektor
 - b) carinski službenik i
 - c) službenik granične policije.
- (4) Ovlašteni službenik potvrđuje svojim potpisom i otiskom službenog pečata u evidencijskom listu jednokratno unošenje određene količine bilja iz Priloga I.
- (5) Ako na graničnom prelazu djeluje fitosanitarna inspekcija, a bilje iz Priloga I unosi se tokom radnog vremena te inspekcije, evidencijski list potvrđuje fitosanitarni inspektor.
- (6) Ako se bilje iz Priloga I unosi preko graničnog prijelaza na kojem ne djeluje fitosanitarna inspekcija ili se ono unosi van radnog vremena fitosanitarne inspekcije, evidencijski list potvrđuje carinski službenik.
- (7) Ako se bilje iz Priloga I unosi preko graničnog prijelaza na kojem djeluje samo granična policija, evidencijski list potvrđuje službenik granične policije.
- (8) Utvrdi li ovlašteni službenik da korisnik prava ne unosi bilje i/ili biljne proizvode u skladu s odobrenjem ili da lice koje unosi bilje i/ili biljne proizvode nije korisnik prava, neće dopustiti unošenje bilja i/ili biljnih proizvoda i naložit će korisniku prava odnosno drugoj osobi da ih bez odgađanja vrati u susjednu zemlju iz koje oni potječu.

Član 13.

(Obveze korisnika prava)

Korisnik prava obavezan je pregledati bilje i biljne proizvode koje proizvodi u pograničnom području Bosne i Hercegovine i o

svakoj novoj i neuobičajenoj pojavi štetnog organizma izvijestiti nadležnog fitosanitarnog inspektora.

POGLAVLJE IV. INSPEKCIJSKI PREGLEDI

Član 14.

(Pregled fitosanitarnog inspektora)

- (1) Fitosanitarni inspektor nadležan za pogranično područje Bosne i Hercegovine u kojem se nalazi prebivalište korisnika prava može od njega zatražiti na uvid evidencijski list te nasumičnim inspeksijskim pregledom provjeriti pridržava li se korisnik prava odredbi ovog Pravilnika te prava i obveza određenih odobrenjem.
- (2) Ako fitosanitarni inspektor inspeksijskim pregledom iz stava (1) ovog člana utvrdi da korisnik prava ne postupa u skladu s odredbama ovog Pravilnika ili izdatim odobrenjem, ili da je bilje iz Priloga I zaraženo štetnim organizmom navedenim u propisu iz člana 6. stav (1) ovog Pravilnika, donijeće rješenje kojim će, zavisno o slučaju, odrediti jednu ili više službenih mjera:
 - a) zabraniti dalje unošenje bilja iz Priloga I;
 - b) zabraniti korištenje unešenog bilja i/ili biljnih proizvoda;
 - c) odrediti druge mjere radi sprječavanja širenja štetnih organizama iz propisa iz člana 6. stav (1) ovog Pravilnika.
- (3) Fitosanitarni inspektor je obavezan dostaviti Upravi jedan primjerak svakog izdatog rješenja.

POGLAVLJE V. SARADNJA

Član 15.

(Saradnja sa susjednim zemljama)

Nadležne službe za zdravlje bilja Bosne i Hercegovine i susjednih zemalja saraduju u provođenju ovog Pravilnika te prema potrebi razmjenjuju podatke o korisnicima prava koji imaju odobrenje izdato u skladu sa ovim Pravilnikom.

POGLAVLJE VI. PRIJELAZNE I ZAVRŠNE ODREDBE

Član 16.

(Početak primjene Pravilnika)

Odredbe ovog Pravilnika primjenjuju se na unošenje bilja i biljnih proizvoda iz pograničnog područja susjedne zemlje s kojom je Bosna i Hercegovina potpisala sporazum o pograničnom prometu, počevši od datuma početka privremene primjene tog sporazuma.

Član 17.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj UZZB: 01-1-02-2-673-10/13

19. marta 2014. godine

Sarajevo

Direktor

Radenko Radović, s. r.

PRILOG I.

Spisak bilja i biljnih proizvoda uzgojenih, proizvedenih ili upotrebljenih u pograničnom području susjednih zemalja koji se uz posebne uslove smiju unositi iz tih zemalja u pogranično područje Bosne i Hercegovine

1. Povrće:
 - 1.1. listovi:
 - celer (*Apium graveolens*)
 - bosiljak (*Ocimum spp.*)
 - 1.2. plodovi:
 - gorke tikvice (momordike) (*Momordica spp.*)
 - patlidžan (*Solanum melongena*)
2. Voće:
 - plodovi agruma (rodovi: *Citrus*, *Fortunella* i *Poncirus* te križanaca bilja iz tih rodova): narandža, limun, mandarina, grejpfrut i dr.
3. Krompir (*Solanum tuberosum*):
 - merkantilni (konzumni)
4. Rezano cvijeće:
 - karanfil (*Dianthus spp.*)
 - hrizantema (*Dendranthema spp.*)
 - orhideje (kaćuni) (*Orchidaceae*)
 - pelargonija (*Pelargonium spp.*)
 - sadarka, gipsofila (*Gypsophila spp.*)
 - zlatnica (*Solidago spp.*)
5. Svježi dijelovi bilja koji nisu namijenjeni za sadnju: zelenilo, ukrasne grane s cvjetovima, listovima (iglicama) i sl., isključujući plodove i sjeme:
 - četinari (*Coniferales*)
 - palme iz roda *Phoenix*
 - hrast (*Quercus spp.*)
 - pitomi kesten (*Castanea spp.*)
 - topola, jablan (*Populus spp.*)
 - svježi dijelovi bilja iz rodova *Citrus*, *Fortunella* i *Poncirus* te njihovih križanaca (narandža, limun, mandarina, grejpfrut i sl.)
6. Sjeme:
 - graha (*Phaseolus spp.*)
 - kukuruza (*Zea mays*)
 - lucerke (*Medicago sativa*)
 - luka kozjaka (*Allium ascalonicum*), crvenog luka (*Allium cepa*), prase (*Allium porrum*) i vlasca (*Allium schoenoprasum*)
 - paprike (*Capsicum annum*)
 - paradajza (*Lycopersicon lycopersicum*)
 - bilja iz roda *Prunus* (šljive, breskve, kajsije, trešnje, višnje i dr., te ukrasnih vrsta)
 - bilja iz roda *Rubus* (maline, kupine)
 - suncokreta (*Helianthus annuus*)
 - riže (*Oryza spp.*)
7. Rasad cvijeća i povrća
8. Lukovice, gomolji i podanci ukrasnog bilja

PRILOG II.

POGRANIČNI EVIDENCIJSKI LIST ZA BILJE

str. 1.

I PODACI O KORISNIKU PRAVA			
Ime i prezime		JMBG	
Adresa prebivališta			
II ODOBRENJE			
BROJ ODOBRENJA:			
Izdato dana:	Vrijedi do:		
III GRANIČNI PRELAZI			
IV POGRANIČNA PROPUSNICA			
Broj:	Mjesto izdavanja:		

Ovlašteno lice Uprave

III EVIDENCIJA O UNOŠENJU BILJA I BILJNIH PROIZVODA

Vrsta bilja	Količina (kg ili kom)	Granični prelaz i datum unošenja	Potvrda ovlaštenog službenika (napomena prema potrebi)

POGRANIČNI EVIDENCIJSKI LIST ZA BILJE**str.2.**

Ime i prezime		JMBG	
Adresa prebivališta			

Ovlašteno lice Uprave

Vrsta bilja	Količina (kg ili kom)	Gračnični prelaz i datum unošenja	Potvrda ovlaštenog sluŹbenika (napomena prema potrebi)